



# Inferior Germania.

<https://hdl.handle.net/1874/430472>



Blonk  
Div-61

7

O M N I V M  
I N F E R I O R I S G E R M A N I Æ  
R E G I O N V M  
D E S C R I P T I O G E N E R A L I S .



VONIAM annos complures in Inferioribus hisce Flandriæ regionibus, longè præcipuâ Galliæ Belgicæ parte, vixi, variisque temporibus & occasione plurima ibidem vidi, audiui, legi, notavi, curiosèque ac diligenter observavi: terram hanc tam præclaram, tantique in Europæo corpore momenti membrum esse comperi, ut in publicum usum, ampliter eam ac diffusè, & quidem eo, quo ad annum usque millesimum quingentesimum & sexagesimum exactum, reperiebatur statu, formaque, describere constituerim, atque hunc ipsum annum, gemino postea supplemento, ut in præfatione dictū est, ad annum usque supra scilicet millesimum octogesimum septimum, prosecutus sum. Habeo verò mihi persuasum, eos, qui descriptionem hanc nostram bono stomacho sunt lecturi, inventuros in eâ præclaras in primis, ac cognitè consideraruque dignissimas res, easque non exteris tantum, sed & ipsis quoque indigenis, ob scriptorum in hoc genere defectum, non utiles minus, quam novas. Quocirca, omni tenuitatis meæ excusatione prætermissa, gratiaque divini numinis invocata, confidenter ad rem ipsam accedam; verborumque selectorum, ac tersi stili defectum, nervosa rerum gravitate compensare tentabo. Ac primum quidem in genere describemus, tum terræ ipsius, tum indigenarum gentium qualitates, uno pariter fasce, universale Principis in eisdem complexuri imperium. Hinc progrediemur ad provinciarum ejusdem divisionem, quarum omnium rariiores & commemoratione digniores dotes singillatim enumerabimus. Ordientes itaque ab ipso nomine, quo clarius intelligatur res, paullo alius eam repetemus: dicimusque, Iulium Cæsarem, (quem quidem præstantissimum scriptorem, quoad ejus in hoc argumento fieri poterit, sequendum nobis ipsi proponimus) in com-

mentariis suis Galliam omnem dividere in partes tres. Belgiam scilicet, Celticam, & Aquitaniam. subjicit autem paullopost, contineri hanc ipsam Belgiam fluminibus Rheno, Matrona, Sequana, marique Oceano, & in septentriones & orientem solem spectare. Belgium eam nonnullis videtur dicere, qui & ipsi hac propter, sine exactiori ulla disquisitione, ita nuncupant atque scribunt. sed enim Cæsar peculiarem quemdam Picardiæ, veteris Belgicæ partis, locum, Latinis Bayacum, vulgariè Baravis appellatum, eo nomine afficit. quod ipsum, quo modo, quibusque de causis faciat, suo postea loco docebitur. numquam verò vel ipse Cæsar, vel illus omnino antiquus scriptor, universam hanc terram, vel Belgium, vel Belgicam substantivè (nam quin adjectivè id alicubi fiat, non equidem eo negatum) invenietur dixisse. unde nos, singulis bene perpensis, Belgiam eam rectè atque ordine dicimus, ac deinceps dicturi sumus. Sciendum verò, Provincias hæc, quas Inferiores vulgò dicunt, quæque Catholici Regis imperio subsunt, veteris Gallicæ Belgicæ propemodùm esse semissem: alterum ejus semissem possidentibus magna ex parte Gallis, in Provinciis hodie Picardiæ, Campaniæ, Normandiæque (e quibus tamen posteriores duæ veteri Belgicæ non in totum continebantur) vocabulo vulgo cognitis. quod ex isto semisse est reliquum, id Lorharingiæ, Clivæ Iuliacique Ducibus, Trevirorum, Moguntiaci, & Coloniae Archiepiscopis; Cameracensi, ac Leodiensi Episcopis, aliique nonnullis principibus atque dynastis parer. Quemadmodum verò Cæsarianis temporibus (ne de remotioribus quidquam dicam) Belgia ista bellotius summam sustinuit, pluresque magnos & illustres viros, quam reliqua omnis Gallia, dedit: ita & hodie quoque melior est atque celebrior totius Gallicæ pars. quod ipsum tribus potissimum argumentis constat, & primum quidem ab ipsius Cæsaris auctoritate duxerim, qui eam toto fere decennio in Gallia bellum gesserit, penitissime illam cognitam atque perspectam habuisse putandus est. accedit huc & Strabonis, & aliorum quoque tum veterum, tum recentiorum scriptorum auctoritas. alterum argumentum, a generositate & præstantia tot illustrium animarum, originem suam ad hanc Belgiam referentium, sumitur. tertium denique a magnitudine